

Pengurusan risiko pandemik COVID-19 dalam sektor pelancongan Satu tinjauan literatur

ABSTRAK

Artikel ini meneliti tentang pengurusan risiko pandemik terhadap sektor pelancongan. Pelancongan merupakan sektor terpenting yang menjadi penyumbang utama terhadap ekonomi negara. Namun begitu, kemunculan wabak pandemik COVID-19 yang berlaku merupakan ancaman utama yang terpaksa dihadapi oleh sektor pelancongan pada hari ini. Keadaan ini secara tidak langsung mengganggu kelangsungan serta melumpuhkan perkembangan sektor pelancongan secara keseluruhannya. Sehingga ke hari ini, isu ini masih tidak menemui penyelesaian yang efektif. Oleh itu, artikel ini meneliti pengurusan risiko pandemik terhadap sektor pelancongan dengan merujuk beberapa konsep utama yang terlibat. Sehubungan dengan itu, perbincangan dalam artikel ini dapat membantu dalam memahami aspek pengurusan risiko pandemik COVID-19 terhadap sektor pelancongan terutamanya kepada tuan rumah (host) dan pihak pemegang taruh terlibat.